

საქართველოს ეკონომიკისა და მდგრადი განვითარების სამინისტრო

საქართველოს ეკონომიკისა და მდგრადი განვითარების სამინისტროს მიერ
სკანერის, ლაზერული და ფერადი პრინტერის გამარტივებული
ელექტრონული ტენდერის საშუალებით შესყიდვის
(CPV- 30216110; 30232110; 30232130)

სატენდერო დოკუმენტაცია

ქ. თბილისი - 2014 წელი

სარჩევი

1. ტექნიკური მოთხოვნები	3
2. ტექნიკური დავალება.....	5
3. ფასების ცხრილი (დანართი №1).....	8
3. რეკვიზიტები (დანართი №2).....	9
5. სახელმწიფო შესყიდვის შესახებ ხელშეკრულების პროექტი.....	10

1. ტექნიკური მოთხოვნები:

1.1 პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- ა) ფასების ცხრილი დანართი №1-ის შესაბამისად.
- ბ) რეკვიზიტები დანართი №2-ის შესაბამისად.
- გ) ინფორმაცია უკანასკნელი 2 (ორი) წლის განმავლობაში განხორციელებული ანალოგიური საქმიანობის შესახებ. წარმოსადგენია ინფორმაცია დამკვეთი ორგანიზაციებისა და მათთან გაფორმებული ხელშეკრულებების ღირებულებების შესახებ.
- დ) პრეტენდენტის უფლებამოსილი პირის ხელმოწერილი დასტური იმის თაობაზე, რომ ტენდერში გამარჯვების შემთხვევაში საქონელი მიწოდებული იქნება სატენდერო დოკუმენტაციაში მოცემული ტექნიკური დავალების შესაბამისად.

შენიშვნა: სავალდებულოა სისტემაში ატვირთული ნებისმიერი დოკუმენტი ხელმოწერილი და ბეჭედდასმული (ბეჭდის არსებობის შემთხვევაში) იყოს პრეტენდენტის შესაბამისად უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.2 სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის „ა“ -„ზ“ ქვეპუნქტებში განსაზღვრულ მოთხოვნებზე.

- ა) ანგარიშსწორებისათვის მიმწოდებელი ვალდებულია მიაწოდოს შემსყიდველს თანმხლები დოკუმენტაცია. ანგარიშსწორება განხორციელდება სასაქონლო ზედნადების, ანგარიშფაქტურის წარმოდგენიდან და მიღება-ჩაბარების ხელმოწერიდან 20 (ოცი) სამუშაო დღის განმავლობაში;
- ბ) წინასწარი გადახდის მექანიზმი არ გამოიყენება;
- გ) სატენდერო წინადადება უნდა მოქმედებდეს მისი სისტემაში ატვირთვის დღიდან „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ ეტაპების დადგომამდე;
- დ) ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1(ერთი)%-ის ოდენობით, რომლის მოქმედების ვადა განისაზღვრება:
 - ელექტრონული გარანტიების რეესტრის მეშვეობით გაცემული ელექტრონული გარანტიისათვის არანაკლებ 120 (ასოცი) კალენდარული დღით, ტენდერისათვის სტატუსის – „წინადადებების მიღება დაწყებულია“ მინიჭების ეტაპიდან;
 - იმ შემთხვევაში, თუ ელექტრონული გარანტია წარდგენილია საბანკო პლასტიკური ბარათიდან სააგენტოს ანგარიშზე თანხის გადარიცხვის გზით შესაბამისი ტენდერისთვის საბოლოო სტატუსის მინიჭებამდე.

ე) სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯისა და საქართველოს კანონმდებლობით დაწესებული გადასახადის გათვალისწინებით;

ვ) პრეტენდენტს არა აქვს უფლება წარმოადგინოს ალტერნატიული წინადადება.

ზ) იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალი იქნება შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.

2. ტექნიკური დავალება

2.1 საქართველოს ეკონომიკისა და მდგრადი განვითარების სამინისტროს მიერ სკანერის, ლაზერული და ფერადი პრინტერის შესყიდვა:

№	შესყიდვის ობიექტი	ტექნიკური მახასიათებლები	რაოდენობა
1.	ფერადი პრინტერი (მრავალფუნქციური)	ფერადი ბეჭდვის სიჩქარე - დაახლოებით 4 გვერდი წუთში შავ-თეთრი ბეჭდვის სიჩქარე - დაახლოებით 17 გვერდი წუთში პირველი გვერდის დაბეჭდვის დრო (შავ-თეთრი) დაახლოებით 16 წამი პირველი გვერდის დაბეჭდვის დრო (შავ-თეთრი) დაახლოებით 27,5წამი ფერადი და შავ-თეთრი ბეჭდვის რეზოლუცია - 600 x 600 dpi-მდე რეკომენდირებული ყოველთვიური დატვირთვა (A4 ფორმატი) – 250-დან 950 გვერდამდე ბეჭდვის ტექნოლოგია - ლაზერული ბეჭდვის მაქსიმალური ყოველთვიური დატვირთვა - დაახლოებით 20000 გვერდი საკომუნიკაციო პორტები - 1 Fast Ethernet , USB 2.0, Wireless 802.11b/g/n დისპლეი - დიაგონალი დაახლოებით 7,62სმ, სენსორული, ფერადი კარტრიჯების რაოდენობა - არანაკლებ 4 (მათშორის 1 შავი) და 1 დოლურა პროცესორის ტაქტური სიხშირე - არანაკლებ 600 მჰც ოპერატიული მეხსიერება - არანაკლებ 128 მბ სკანერის ტიპი - Flatbed, ADF ფაილის ფორმატები - PG, RAW (BMP), PDF, TIFF, PNG ADF სკანირების მაქსიმალური ზომა - არანაკლებ 8.5 x 14 in ADF ტევადობა - არანაკლებ 35 გვერდი სკანირების რეზოლუცია (hardware) - დაახლოებით 1200 x 1200 dpi სკანირების ოპტიკური რეზოლუცია - დაახლოებით 1200 x 1200 dpi კოპირების სიჩქარე (შავ-თეთრი) – დაახლოებით 17 გვერდი წუთში კოპირების სიჩქარე (ფერადი) – დაახლოებით 4 გვერდი წუთში კოპირების რეზოლუცია (ფერადი/შავ-თეთრი) - დაახლოებით 300 x 300 dpi ფაქსის მხარდაჭერა - დიახ ფაქსის გადაცემის სიჩქარე - არაუმეტეს 3 წმ /გვერდი ფაქსის მეხსიერება - დაახლოებით 500 გვერდი ფაქსის რეზოლუცია - დაახლოებით 300 dpi საექტსპლუატაციო გარემოს ტემპერატურა - 15-30 გრადუსი (ც) საექტსპლუატაციო გარემოს სინოტივე - 30 – 70 % ზომა - დაახლოებით 423 x 425 x 335 მმ წონა შეფუთვის გარეშე - დაახლოებით 16კგ მწარმოებლის გარანტია არანაკლებ - 1 წელი	1 (ერთი) ცალი

2.	ლაზერული პრინტერი (მაღალი წარმადობის შავ-თეთრი)	ბეჭდვის სიჩქარე - დაახლოებით 62 გვერდი წუთში პირველი გვერდის დაბეჭდვის დრო - დაახლოებით 8.5 წამი მაქსიმალური რეზოლუცია: დაახლოებით 1200 x 1200 dpi ყოველთვიური მაქსიმალური დატვირთვა - დაახლოებით 275000 გვერდი რეკომენდირებული ყოველთვიური დატვირთვა - დაახლოებით 5000-დან 20000 გვერდამდე ბეჭდვის ტექნოლოგია - ლაზერული პროცესორის ტაქტური სიხშირე - არანაკლებ 800 მჰც ოპერატიული მეხსიერება - არანაკლებ 512 მბ დისფლეი - 4 სტრიქონიანი, თხევადკრისტალური, ფერადი საკომუნიკაციო პორტები: 1 Hi-Speed USB 2.0, 1 Gigabit Ethernet, 2 External Host USB (1 walk-up and 1 external accessible) 2 internal Host USB 2.0-like ports (for 3rd party connection), 1 Hi-Speed USB 2.0 HIP (for 3rd party connection) ფურცლების მიწოდება (სტანდარტული) - მრავალფუნქციური უჯრა (100 ფურცელი) – 1 500 გვერდიანი მიწოდების სისტემა - არანაკლებ 2 მოწყობილობა ავტომატური ორმხივი ბეჭდვისათვის - დიახ მოხმარებული ენერგია - დაახლოებით 920 ვატი ბეჭდვისას, 21 ვატი მზადყოფნის რეჟიმი, 5,5 ვატი ძილის რეჟიმი. საექსპლუატაციო ტემპერატურა - 15-დან 32 გრადუსამდე (C) მინიმალური ზომა - არანაკლებ 415 x 508 x 398 მმ მაქსიმალური ზომა - არაუმეტეს 415 x 768 x 398 მმ წონა - დაახლოებით 26,3 კგ მწარმოებლის გარანტია - არანაკლებ 1 წელი.	1(ერთი) ცალი
3.	სკანერი (მაღალი წარმადობის A3 ფორმატი)	სკანერის ტიპი - Flatbed Scanner სკანირების რეზოლუცია - 600 dpi x 600 dpi ADF დოკუმენტის მინიმალური ზომა - არანაკლებ 68 მმ x 120 მმ ADF დოკუმენტის მაქსიმალური ზომა - არანაკლებ 297 მმ x 2540 მმ ქაღალდის ფორმატების მხარდაჭერა - არანაკლებ A3, A4, A5, A6, B4, B5, B6, Letter, Legal, Executive ფერების სიღრმე - არანაკლებ Input: 48 Bits Color / 16 Bits Monochrome, Output: 24 Bits Color / 8 Bits Monochrome ულტრაბერითი სენსორი - დიახ სინათლის წყარო - ReadyScan LED ტექნოლოგია თხევადკრისტალური დისპლეი - ქსელის ინტერფეისის პანელი სკანირების სიჩქარე - დაახლოებით Monochrome: 40 Pages/min – Colour: 40 Pages/min measured with Size: A4 ,Resolution: 200 / 300 dpi, Monochrome: 80 image/min - Colour: 80 image/min measured with Size: A4 , Resolution: 200 / 300 dp ADF დოკუმენტის წონა - Auto loading: 35 - 128 g/m² გარანტირებული ყოველდღიური დატვირთვის ციკლი - არანაკლებ 5000 გვერდი გვერდის ავტომატური მიმწოდებლის ტევადობა - არანაკლებ 200 გვერდი დუპლექსური სკანირების მხარდაჭერა - დიახ	1(ერთი) ცალი

	მიღებული ფაილის ფორმატი - JPEG, TIFF, multi-TIFF, PDF, PDF / batch, searchable PDF, secure PDF, PDF/A კომპრესიის შესაძლებლობა - Hardware JPEG compression, TIFF Compression (JPEG(7) , CITT G4, LZW), PDF Compression დოკუმენტების ინტეგრაცია - E-mail, FTP, Print, Web folders, Network folders ქსელის ინტერფეისი - ჩაშენებული , Ethernet (100 Base-TX / 10 Base-T) პანელის ტიპი - 5-line LCD with Push Scan features პროტოკოლების მხარდაჭერა - TCP/IP, DHCP, DNS, SNMP, SLP, HTTP IPv6 მხარდაჭერა -დიახ ზომა - დაახლოებით 640 x 522 x 289 მმ წონა - დაახლოებით 27.38 kg დრაივერები - TWAIN, WIA, ISIS ელექტრო ენერგიის ხარჯი - დაახლოებით 82 W, 16 W (economy), 4.1 W (standby) ხმაურის დონე - დაახლოებით 67.9 dB (A) (მუშაობისას) მწარმოებლის გარანტია - არანაკლებ 1 წელი.	
--	--	--

2.2 ცხრილში მითითებული საქონლის მიწოდება უნდა განხორციელდეს ხელშეკრულების ძალაში შესვლიდან არაუგვიანეს 30 (ოცდათი) სამუშაო დღის განმავლობაში შემსყიდველის მისამართზე: ქ. თბილისი, გ.ჭანტურიას ქ. №12.

2.3 მიმწოდებელმა უნდა უზრუნველყოს საგარანტიო პირობების შესაბამისად დაზიანებული შესყიდვის ობიექტის შეკეთება ან ახლით ჩანაცვლება გონივრულ ვადაში.

შესყიდვის ობიექტის სავარაუდო ღირებულებაა 11800 (თერთმეტი ათას რვაასი) ლარი.

დაფინანსების წყარო: 2014 წლის სახელმწიფო ბიუჯეტი

3. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:
სატენდერო კომისიის აპარატის წევრები:

შალვა გოგიჩაიშვილი ტელ: 299 10 76

ზურაბ სიჭინავა ტელ: 299 11 48

ფასების ცხრილი

N	დასახელება	რაოდენობა	ტექნიკური მახასიათებლები (გარანტია, მოდელი)	ერთეულის ფასი	საერთო ღირებულება
1	ფერადი პრინტერი (მრავალფუნქციური)	1 (ერთი) ცალი			
2	ლაზერული პრინტერი (მაღალი წარმადობის შავ-თეთრი)	1 (ერთი) ცალი			
3	სკანერი (მაღალი წარმადობის A3 ფორმატი)	1 (ერთი) ცალი			
	ჯამი				

პრეტენდენტის ხელმოწერა _____

და ბეჭედი

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშის ნომერი:

პრეტენდენტის ხელმოწერა_____

და ბეჭედი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ხელშეკრულება სახელმწიფო შესყიდვების შესახებ №

(გამარტივებული ელექტრონული ტენდერი № SPA-----)

წინამდებარე ხელშეკრულება დაიდო 2014 წლის ----- ქ. თბილისში

შემსყიდველი: საქართველოს ეკონომიკისა და მდგრადი განვითარების სამინისტრო, მისი უფლებამოსილი წარმომადგენლის საფინანსო, სახელმწიფო შესყიდვებისა და ლოჯისტიკის დეპარტამენტის უფროსის ნინო მურჯიკნელის სახით.

მისამართი: ქ. თბილისი, გ. ჭანტურიას ქუჩა №12, ტელეფონი 299-10-76

საბანკო რეკვიზიტები: სახელმწიფო ხაზინა, კოდი TRESGE22, ა/ა №200122900, ს/კ 203840433

მიმწოდებელი:

საინდეტიფიკაციო კოდი:

მისამართი:

ხელმძღვანელი:

საბანკო რეკვიზიტები:

ერთი მხრივ _ **შემსყიდველი**, და მეორე მხრივ _ **მიმწოდებელი**, ადასტურებენ, რომ მათ შორის მიღწეულია შეთანხმება შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში _ „ხელშეკრულება“) _ შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ _ საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ _ კალენდარული დღე, კვირა, თვე.
- 1.4. „შემსყიდველი“ _ ორგანიზაცია, რომელიც ახორციელებს შესყიდვას.
- 1.5. „მიმწოდებელი“ _ პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „საქონელი“ _ ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ _ სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1 საქართველოს ეკონომიკისა და მდგრადი განვითარების სამინისტროს 2014 წლის სახელმწიფო ბიუჯეტით დამტკიცებული ასიგნებების ფარგლებში ლაზერული და ფერადი პრინტერების შესყიდვა დანართი №1-ის (ფასების ცხრილი) შესაბამისად.

3. ხელშეკრულების ღირებულება

3.1 ხელშეკრულების ღირებულება: ----- ლარი.

3.1.1 ერთეულის ღირებულება განსაზღვრულია დანართი №1-ით (ფასების ცხრილი).

3.2 ხელშეკრულების ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ გადასახადებს, დაკავშირებულს საქონლის მიწოდებასთან და შემსყიდველის საკუთრებაში გადაცემასთან.

4. მხარეთა უფლება-მოვალეობები

4.1 მიმწოდებელი ვალდებულია:

ა) შემსყიდველს მიაწოდოს ლაზერული და ფერადი პრინტერები დანართი №1-ის (ფასების ცხრილი) და ტექნიკური დავალების შესაბამისად.

4.2 მიმწოდებელი უფლებამოსილია:

ა) შემსყიდველს მოსთხოვოს ხელშეკრულებით ნაკისრი ვალდებულებების შესრულება.

4.3 შემსყიდველი ვალდებულია:

ა) განახორციელოს წინამდებარე ხელშეკრულებით გათვალისწინებული მოთხოვნების დაცვით მიწოდებული საქონელის ღირებულების ანაზღაურება.

4.4 შემსყიდველი უფლებამოსილია:

ა) მიმწოდებლისგან მოითხოვოს საქონელის მიწოდება წინამდებარე ხელშეკრულებით გათვალისწინებულ დროსა და ადგილას;

ბ) შეამოწმოს საქონლის ხარისხი და თუ აღმოჩნდება უხარისხო (წყუნდებული) საქონელი მიმწოდებელი ვალდებულია შეცვალოს აღნიშნული საქონელი.

გ) მონიტორინგის შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ვალდებულებების დარღვევის გამოსწორების შესახებ ან შეწყვიტოს (არ განახორციელოს) მიმწოდებლის დაფინანსება.

5. ანგარიშსწორების ფორმა და ვადები

5.1 საქონლის მიწოდების ანაზღაურება განხორციელდება წინამდებარე ხელშეკრულების 6.3 პუნქტით გათვალისწინებული დოკუმენტაციის წარმოდგენიდან 15 (თხუთმეტი) სამუშაო დღის განმავლობაში.

5.2 ანგარიშსწორების ვალუტა: ლარი;

5.3 ანგარიშსწორების ფორმა: უნაღდო.

6. მიღება-ჩაბარების წესი

6.1 წინამდებარე ხელშეკრულებით გათვალისწინებული საქონლის გადაცემის დადასტურების მიზნით, შემსყიდველსა და მიმწოდებელს შორის ფორმდება მიღება-ჩაბარების აქტი.

6.2 შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება ---
-----.

6.3 საქონლის მიწოდების დადასტურების მიზნით შემსყიდველისა და მიმწოდებლის მიერ ხელმოწერილ მიღება-ჩაბარების აქტთან ერთად სავალდებულოა საგადასახადო ანგარიშფაქტურისა და სასაქონლო ზედნადების წარმოდგენა.

7. საქონლის მიწოდების ადგილი და ვადა

7.1 საქონლის მიწოდება უნდა განხორციელდეს დანართი №1-ის (ფასების ცხრილი) შესაბამისად.

7.2 საქონლის მიწოდების ადგილი: ქ. თბილისი, გ. ჭანტურიას ქუჩა №12.

7.3 საქონლის მიწოდება უნდა განხორციელდეს სატენდერო დოკუმენტაციით გათვალისწინებული პირობების შესაბამისად.

8. ხელშეკრულებით ნაკისრი ვალდებულებების შესრულების ინსპექტირება

8.1 ხელშეკრულებით ნაკისრი ვალდებულებების შესრულების ინსპექტირებას განახორციელებს ---
-----.

8.2 ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.

8.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1 მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არსებითად დარღვევისათვის ხელშეკრულებით და საქართველოს კანონმდებლობით დადგენილი წესით;

9.2 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებით.

9.3 მიმწოდებლის მიერ ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 10%-ის ოდენობით.

9.4 არაჯეროვნად შესრულებას წარმოადგენს უხარისხო საქონლის მიწოდება. ამასთან, არაჯეროვნად გაწეულად მიიჩნევა ნებისმიერი ვალდებულების შეუსრულებლობა, რომელიც ნაკისრი აქვს მიმწოდებელს წინამდებარე ხელშეკრულებით, გარდა 9.5 პუნქტით განსაზღვრული შემთხვევისა.

9.5 მიმწოდებლის მიერ დაგვიანებით შესრულებას წარმოადგენს საქონლის მიწოდების წინამდებარე ხელშეკრულებით გათვალისწინებული მიწოდების ვადის დარღვევა, რისთვისაც შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე დროულად მიუწოდებელი საქონლის ღირებულების 1%-ის ოდენობით.

10. ხელშეკრულებაში ცვლილების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1 ხელშეკრულება ძალაში შედის -----.

14. მხარეთა ხელმოწერები

შემსყიდველის მხრიდან

მიმწოდებლის მხრიდან

საფინანსო, სახელმწიფო შესყიდვებისა და
ლოჯისტიკის დეპარტამენტის უფროსი
ნინო მურჯიკნელი
